


在於龍腹不有所顯故存之不畫也

變化圖



夫易之道非神功而不可測非聖智而不可知故有太易仍未見之氣也有太初氣之始也有大始形之始也有太素質之始也氣形質具未相離者謂之混沌混沌既判兩儀有序萬物化

道藏輯要


太古集

三

胃集八

成混沌已前則為無也混沌之後則屬有也一有一無而為混沌混沌沌沌天地日月會合交泰之時也


五行圖



五行者水火土金木是也凡天地之數而各有合生於五行者所謂天一與地六合而生水地二與天七合而生火天三與地

八合而生木地四與天九合而生金天五與地十合而生土天地之數五十有五而生成五行五行之數可見矣七言得之水九言得之火十一數而得之木十三數而得之金十五數而得之土此為天地而生五行也

天元十干圖



道藏輯要

太古集

三

胃集八

天元十干者謂甲乙象木丙丁象火庚辛象金壬癸象水戊己象土夫木之為體象春而生乎萬有主魂而靈見於苗火之為體象夏而長乎萬物主性而神見於花金之為體象秋而成乎品類主魄而氣見於實水之為體象冬而就乎萬有主命而精見於根土旺事加四季之正逐時而有也

三才入爐造化圖

虛无

爐中有白雪

